



EXAMINATIONS COUNCIL OF ZAMBIA

JUNIOR SECONDARY SCHOOL LEAVING EXAMINATION (GRADE 9) 2014

LUVALE 308/2

**LIPEPA LYAMUCHIVALI
(SPECIMEN)**

(INTERNAL AND EXTERNAL CANDIDATES)

OLA: 2 JIVALI

JISAMBISO: 60

LIJINA: _____

CHILAVO CHAESEKELO: _____

SHIKOLA/CHIEHLA: _____

Cell phones are not allowed in the examination room.

Jishinga Kavajitavilako muzuvo yavyesekelo.

JINDONGI

- 1 Omu mulipepa khana lyaesekelo muli vihanda vitanu(5). Soneka nakuzata milimo yosena ili muvihanda A – E.
- 2 Vandamina mukakukweseka akulweze kuputuka kukumbulula vihula numba upandumune lipepa nakuputuka kuzata milimo.

CHIHANDA	JISAMBISO	JISAMBISO NAWANE LONGI
A. Kutanga nakwivwishisa	15	
B. Mwaya lilimi?	15	
C. Kusoneka muwihi	10	
D. Kwalumuna	10	
E. Vishimolonga	10	
CHILAVO CHOSENA CHAJISAMBISO	60	

CHIHANDA : A [15]

Kutanga Nakwivwishisa

Tanga ou mujimbu vanakuhane

Vayishi lwola lwavo lwosena vayoyela mumeya. Vayishi tuli navo muno mu Zambia vapwa vavalemu chikuma kuli etu vathu vosena. Kuvayishi tweji kuwanako vyuma vyakukulisa mujimba vavuluka mu ingilishi ngwavo, 'protein'.

Vathu vamwe chiyoyelo chavo chazendamina hakuta vayishi. Vamwe vapwa vanjimi javayishi vakwavo vapwa vakakusekasana muvayishi. Kuta vayishi cheji kuneha jimbongo kaha nawa unapu mulimo wamwaza kujingalila kuze vali nakukwata chikuma vayishi. Jingalila vali nakuta chikuma vayishi shina jize jili muvihanda vyalifuchi vyakufwana, Luapula, Northern, Western, Central na Southern.

Omu vene mujingalila vinoma vali nakuzachisa chikuma hakuta vayishi evi ; mayanga, makunga, mivu, malovo namoji. Vayishi vaze vali nakukwata museteko yayindende vapwa vakulya kaha vaze vechi kulitulaho veji kuvalanjisa chipwe kuvatambasana navyuma vyekha. Oloze vaze vali nakukwata vayishi haseteko yahelu vapwa vakunganyala lishelenge. Chipwe kujiha vayishi vakulya kaha, chipwe kujiha mangana muthu awaneho kalyaphoko, vinoma veji kuzachisanga vili nakutepulula seteko yavayishi.

Mujingalila josena jize mwapwilenga vayishi vavavulu oholili vanatepuluka kaha nawa kavechi jino vambwende chikumako.

Echi chinasoloka nge jingalila josena japwilenga navayishi vavavulu kalinwaha vene namupwa mwapimbi nge kakwechi kupwa jijila natuvakingilamo. Vyuma vili nakulingisa numba seteko yavayishi yitepuluke mujingalila khana shina, kuzachisa jijila jalwenyeka, kuvula chavathu vakakuta vayishi, lwenyeka lwameya navyuma vikwavo.

Kweseka najijila jili nakulingisa numba seteko yavayishi mutulwiji namuvijiva yitepuluke, etu vaka Zambia twatela kujiha vayishi mujila yambwende. Twatela kulama kanawa vyuma vyosena vize atuhana Kalunga mangana tuvizachise oholili nakulutwe. Nge ava vayishi natuvalama kanawa, vanavetu navazukulu navakavamona ava vayishi nakuvalya.

A (i) Kumbulula vihula [15]

- 1 Mumujimbu unatange ngalila muka vanavuluka ngwavo kwapwa kuuyoyelo wavayishi?
 (a) Mumeya
 (b) Mumusenge
 (c) Muchijiva
 (d) Mumucho [1]
- 2 Mwomwo ika vayishi vapwa vavalemu chikuma kuli etu vathu?
 (a) Tweji kuwanako vifuwa
 (b) Tweji kuwanako protein
 (c) Tweji kuwanako maji
 (d) Tweji kuwanako wilo [1]
- 3 Chihanda muka chalifuchi lya Zambia vanahono kuvuluka mumujimbu kwalisala vathu vavavulu vakakukwata chikuma vayishi?
 (a) North Western
 (b) Western
 (c) Luapula
 (d) Southern [1]
- 4 Vinoma muka vanayuluka mumujimbu vali nakuzachisa chikuma hakuta vayishi?
 (a) Mayanga, makunga nangimbu
 (b) Mayanga, malonga nalwalo
 (c) Mayanga, makunga namalovo
 (d) Makunga, moji namatemo [1]
- 5 Lizu muka mumujimbu linalifwane najimbongo?
 (a) Mali
 (b) Lishelenge
 (c) Makwacha
 (d) Muwayawaya [1]

- 6** Lizu Iya kalyaphoko Iyalumbunuka ika?
(a) Ngaso
(b) Upite
(c) Phoko
(d) Soso [1]
- 7** Kweseka namujimbu mwomwo ika mujingalila mwapwilenga vayishi vavavulu oholili jino vanatepuluka?
(a) Mwomwo vathu vali nakuzachisa jijila jalwenyeka
(b) Mwomwo vathu vanasake chikuma jimbongo
(c) Mwomwo vangeji vanavulu
(d) Mwomwo fulumende inetavila moji [1]
- 8** Ethu vaka Zambia twatela kulinga ngachilili numba tukinge vayishi muvijiva natulwiji?
(a) Twatela kulama kanawa vyuma atuhana Kalunga
(b) Twatela kujiha vayishi vosena Kalunga mwatuhana vekha
(c) Twatela kujiha vayishi vosena mangana tuwaneko jimbongo
(d) Twatela kulama tunyama kaha [1]
- 9** Nge ava vayishi natuvalama kanawa kaka chuma muka nachikasoloka kulutwe?
(a) Mangana vakakuluka vakavamone
(b) Mangana vanathu vakalyeko
(c) Mangana vanavetu navazukulu vakavamone nakuvalya
(d) Mangana vaka fulumende vavamone [1]
- 10** Kweseka namujimbu, mutwe muka naulita nawo?
(a) Kulinga vayishi mu Zambia
(b) Lwenyeka lwavayishi muvijiva natulwiji
(c) Kulama kanawa vyuma atuhana Kalunga
(d) Kulya chikuma vayishi kuli tutewe [1]

(A) (ii) Soneka mazu alipika nawawa ali mumujimbu unatange.

- (1) helu _____ [1]
 (2) kutepulula _____ [1]
 (3) vambwende _____ [1]
 (4) vangeji _____ [1]
 (5) wamwaza _____ [1]

CHIHANDA B [15]

a. Haka mazu ali muvipango mumahanya utunge mikuku yatundangwishi.

1. Kayombo vana _____ (tenuka) mwomwo navulumuna Musole nachimene. [1]
 2. Vakashikola _____ (kusoneka) vyeseko lelo. [1]
 3. Ngweji _____ (tanga) hashikola ya Chavuma day. [1]

b. Zachisa lizu likwavo lyalingiso muchihela chamazu ali namufunda.

1. Kasweka nakwate heheyeke. [1]
 2. Kakuhu ayile kumbaka nezako phwapwala. [1]
 3. Uze lunga natumwenesa khilika. [1]

c. Zachisa ambulwilo chipwe hanjikiso usoneke eyi mikuku ili mwishi.

1. Ngwami, "lovoka haweluka". [1]
 2. Mama nangulweze ngutwale lwalo kuli khaka. [1]
 3. Kayombo ngwenyi, "ngwamuwananga". [1]

d. Mwaya lilimi
 Hana vuliso ya awa mazu

	Lijina	Chivulu
1.	Lupasa	
2.	Ukalu	
3.	Mwenya	

[3]

e. Haka tulumbunwiso tuli muvipango mumahanya vanaseze mumikuku.

1. Sombo navwale ndeleji _____ (jamwaza, yamwaza, chamwaza) [1]
2. Kayombo apwa kanyike wa _____ kuvathu (linonoke, chononoka, kwononoka). [1]
3. Ngwajihanga kajila _____ mumuheto (wamunene, munene, lyalinene). [1]

CHIHANDA C [10]

Soneka chilandu muwihi

Lifwanyise kupwa nge umukakulama jimbongo jaliuka lyenu lyakulama tusumbi yamaulu hashikola yenu. Soneka chilandu chove muwihi mangana ukoke vathu vezenga nakulanda maulu enu. Soneka chilandu chove mujila yakwoloka.

Specimen

CHIHANDA D [10]**Kwalumuna mikuku muLuvale**

- 1** I write to remind you that Zambia will be 50 years old by 24th October this year.

[2]

- 2** This means that Zambia will attain 50 years of independence from colonial rule.

[2]

- 3** Boys, girls and teachers are busy making preparations for the big day.

[2]

- 4** For this reason, it is important for you to attend this celebration which will take place at my school on the 24th October this year.

[2]

- 5** There will be activities such as, singing, dancing, eating and sporting activities.

[2]

CHIHANDE E**VISHIMOLONGA [10]**

- (i)** Hana lumbunwiso jajeji jindangwishi

(a) Kaputu kambango lihunda

[1]

(b) Lunga mangana chizandamo chamokomoko

[1]

(c) Njamba afwila makunga kuvula

[1]

(d) Kukwata kujimbinga jachengu kukwachilila

[1]

(e) Vula yaufuku yakwivwila hamujimba

[1]

(ii) Kumisa jindangwishi jitanu javikumina vanakuhane

(a) _____ Jakulichavila [1]

(b) Kanyike kahembo _____ [1]

(c) Kawa kameso meso _____ [1]

(d) Chihonami _____ [1]

(e) Limbongi lyakavanga maji auchi _____ [1]

ESEKELO INAKUMU

Specimen

ECZ PAST PAPERS. REVISE AND PASS ECZ EXAMS-G7, G9 AND G12

**DOWNLOAD FREE ECZ
PAST PAPERS IN PDF.**

**GO TO:
WWW.ZEDPASTPAPERS.COM**